



ath. kl. 14.30

Það verður hátíðleg stemning í miðbæ Akureyrar í dag þegar félagar úr eftirfarandi kórum: Kirkjukór Akureyrar-kirkju, Kirkjukór Glerárkirkju, Karla-kór Akureyrar, Karla-kórnum Geysi, Kvennakór Akureyrar og Kvennakórnum Emblu, mynda kóraslóð frá klukk- an 14.30 til 17 víðs vegar um miðbæinn þar sem hver kór syngur í hálf tíma. Upplagt er að byrja á að fylgjast með félögum úr Kirkjukór Akureyrar þar sem þeir hefja upp raust sína við Bláu könnuna.

menning

menning@frettabladid.is

Austurbæjarbíó til sölu

Í gær var Austurbæjarbíó auglýst til sölu í dagblöðum. Þar með hefst nýr kafli í sorgar-sögu þessa húss sem um sextíu ára skeið var stærsta samkomuhús landsins, ekki aðeins nýtt til kvikmyndasýninga, heldur líka til tónleika af öllu tagi, skemmtana og leiksýninga, bæði á vegum sjálfstæðra leikhópa og um langt skeið Leikfélags Reykjavíkur.

Húsið var reist af Tónlistarfélagi Reykjavíkur og tók fyrst í stað 800 gesti í sæti. Það var selt Sambíóunum 1986 og var lengi í rekstri á þeirra vegum, undir það síðasta breytt á þann veg að þar gætu verið leiksýningar með bættum ljósabúnaði. Þá var búið að breyta efri hæðum hússins og gera veitingastaðinn Silfurtunglið að kvikmyndasölum. Rekstur kvikmyndahúss á þessum slóðum strandaði á endanum á ónógum bílastæðum.

Það voru verktakar sem keyptu húsið og um hríð stóð slagur um framtíð þess. Loks var ljóst að það yrði ekki rífið átakalaust og þá var reynt



MENNING Sögufraegt hús á lausu – þarfnast viðgerða.

að halda því í blönduðum rekstri en gekk illa. Viðhald hefur verið í lágmarki á byggingunni lengi og húsið nánast talið ónothæft sökum leka. Í fyrra var það komið á hendur borgarinnar og þá var það afhent undir starfsemi ungs fólks. Henni var hætt í haust og nú virðist fátt geta orðið því til bjargar. Þó er víst að einhverjir sjái sér hag í að kaupa fyrir stórt hús í slöku ástandi fyrir lítið verð: vantar einhvern stað undir stórt ballhús?

> Ekki missa af

Jólagrautnum 2009: Hjalmar og Hjaltaín á stórtónleikum NASA í kvöld. Þar verður jólahátíðinni fagnað með sannkölluðum stórtónleikum undir merkjum Jólagrautarins, árlegri tónlistarveislu sem haldin hefur verið hátíðleg kringum jólin frá árinu 2005. Hjalmar fagna nýrri breiðskífu sinni IV með alvöru gleðskap. Hjaltaín slær á léttu strengi í tilefni af frábærum viðtök- um við skífurni Terminal. Svo hefur múm verið bætt á prógrammið og kunna fleiri að bætast við í grautargerðina á staðnum – fyrir utan borgandi gesti auðvitað.

Mikilvægir menn

Í tilefni af 750. ártíð Snorra Sturlusonar, 23. september 1991, ákvað ríkisstjórn Íslands að efna til styrkja sem kenndir yrðu við nafn hans. Samkvæmt reglum um styrkina, sem gefnar voru út 1992, skulu þeir árlega boðnir erlendum rithöfundum, þýðendum og fræðimönnum til að dveljast á Íslandi í því skyni að kynnst sem best íslenskri tungu, menningu og mannlífi.

Fimmtíu og fimm umsóknir bárust frá tuttugu og fjórum löndum. Styrkir Snorra Sturlusonar eru veittir í ár í átjándá sinn en þeir eru mikilvæg lyftistöng fyrir þá sem vinna að útbreiðslu íslenskra bókmennta. Þau sem hljóta styrki árið 2010, til þriggja mánaða hvert, eru:

Claudia Di Sciacca, dósent í þýskri textafræði við háskólann í Udine á Ítalíu, til að vinna að rannsóknum á íslensku þýðingunni á Elucidarius eftir Honarius Augustodunensis.

Imreh András, rithöfundur og þýðandi í Búdapest, til að kynna sér íslenska ljóðlist og þýða á ungversku.

Marcel Otten þýðandi, Mountcharles Co. Donegal á Írlandi, til að þýða Gerplu á hollensku.

Öll þrjú munu því hafa betri ráð til að vinna íslenskum bókmenntum landnám í fjarlægum löndum – og líka hér heima. - pbb

Ferilssaga Ásgerðar Esterar

Út er komin á forlagi Uppheima stór myndskreytt bók um starfsferil og verk Ásgerðar Esterar Búadóttur. Bókin er kölluð Veftir en í henni rekur Aðalsteinn Ingólfsson feril og sögu listakonunnar og um leið tilkomu vefsins með fullgildum hætti í íslenska myndlist. Guðbergur Bergsson skrifar formála að bókinni sem er í stóru broti, 25x29 cm, og er 128 blaðsíður. Í bókarlók eru ítarlegar skrár um sýningar Ásgerðar og helstu heimildir.

Vefurinn var lengi vel á íslenskum heimilum hlutskipti bæði karla og kvenna enda voð ein helsta útflutningsafurð í ullarvinnslu og innlent efni notað í fót. Vefnaður til skrautlistar er tiltölulega ungt fyrirbæri. Voð til kirkjuskrauts var öll innflutt. Þó eru til kenningar um að vefur hafi verið unninn til skrauts á þiljum.

Ekki verður kippur í íslensk-

MYNDLIST Ásgerður Ester Búadóttir myndlistarmaður. Myndin er tekin 1980 þegar hún stóð á hátindi ferils síns.

um vefnaði fyrr en handíðamennt tekur að þróast mest fyrir innlendar menntastofnanir, kvenna- og húsmæðraskóla sem vildu auka kunnáttu á þessu sviði, en stóra skrefið er tekið þegar Lúðvík Guðmundsson stofnar Handíðaskólann. Víst höfðu einstaka listamenn fyrir þann tíma lagt sig eftir vef, þeirra fremst Júlíana Sveinsdóttir og síðar Vigdís Kristjánsdóttir.



MYNDLIST Eitt verka listakonunnar frá hennar samfellda og örugga ferli sem hófst seint og lauk 1995. MYND/UPPHEIMAR

Með hingaðkomu Kurt Zier jókst vilji í handíðahluta skólans að auka kunnáttu á þessu sviði og þar var Ásgerður við nám.

Aðalsteinn rekur þessa þróun alla í sínum texta og er sú saga nú komin á einn stað þótt mörg kurl séu ekki komin til grafar um feril íslenskra vefiða frá þessum skólaárum rétt eftir stríðið. Handíðir kvenna voru jú að stórum hluta faldar inni á heimilum og urðu ekki viðurkenndar í listageiranum sem

viðfangsefni fyrr en Ásgerður tók að einbeita sér að þeim verkum. Í hennar spor fylgdu margar konur og verður að nefna þar fremsta Hildi Hákonardóttur þótt fleiri hafi lagt sig eftir vef, til dæmis Barbara Árnason.

Ásgerði tókst aftur að sprengja fleiri múra því hún þróaði vefinn í þá átt að taka inn í hann efni af öðrum toga, svo sem hrosshár. Það er til marks um hversu fákunnandi íslenskur myndlistarheimur var að efni í frumlistum sem lágu fyrir nefinu á mönnum; marglit ull af tvennum toga, hrosshár, skinn og leður voru hér en enginn vildi nota.

Bækur sem þessi og raunar bókinn um Svavar Guðnason sem fjallað er um hér aftur í blaðinu eru gefnar út fyrir atbeina erfingja þeirra sem um er fjallað. Það er því mikilsvert að vandast sé til verksins. Veftir er með íslenskum og enskum texta, bæði meginmál Aðalsteins og eins formáli Guðbergs sem er fróðleg viðbót við hans þroskasögu og ítrekar raunar það sem fram kemur í bókinni um Svavar; myndlistarbyltíngin á Íslandi var af félagslegum rótum, hún var pólitísk skoðun og braut í bága við ríkjandi kerfi í hugmyndum.

Bókin er prýdd tugum mynda og gerir lesanda því ljóst hvaða verkaskrá Ásgerður hefur lagt til íslenskrar myndlistarsögu á tuttugustu öld. pbb@frettabladid.is

Fjör á Suðurgötu

Í dag kl. 15 mun Háskólaakórinn syngja jólalög og þjóðlegar vísur fyrir gesti Þjóðminjasafns Íslands. Stjórnandi Háskólaakórsins er Gunnsteinn Ólafsson. Kórinn syngur tónlist af ýmsu tagi en yfirleitt er lögð aðaláhersla á íslenska tónlist. Sama dag kl. 13 mun Terry Gunnell, flytja erindi í fyrirlestrasal Þjóðminja-

safnsins. Erindið er á ensku og ber heitið The Icelandic Yule – an illustrated presentation in English.

Jólasveinarnir heimsækja safnið daglega 12.-24. desember kl. 11 og er laugardagurinn 19. desember engin undantekning. Von er á Skyrgámi, sem mun ræða við börn og fullorðna og jafnvel taka lagið.

Ótrúlegt verð!
Bækur frá Fjölva
frá 290 kr.
til 690 kr.

Tinni 690 kr.

A4

Skrifstofa og skóli

Smáratorgi + Kópavogi
Sími 580 0000 • www.a4.is

KITCHEN
ELDHÚS

Nepalese & Indian Restaurant

Óska öllum viðskiptavinum okkar gleðilegra jóla og farsælt komandi ár.

Núna um hátíðina bjóðum við upp á okkar sérstaka þriggjarétta jólamatseðil. Hátíðartilboðið gildir frá og með 16. – 31. Desember.

Forréttur

Blandað grænmeti og kjúklinga Pakora, Papadum

Aðalréttur – Val um:

- Grænmetis Tukda með hnetum og stöppuðum kartöflum borið fram með sérstakri Kitchen jólasósu.
- Kjúklinga Sekuwa borið fram með stöppuðum kartöflum og sérstakri Kitchen jólasósu.
- Lamba Sekuwa borið fram með stöppuðum kartöflum og sérstakri Kitchen jólasósu.

Eftirréttir

Hrisgrjónabúðingur matreiddur á hefðbundnum Nepölskum sið, borinn fram með ís (banana/vanilla/súkkulaði).

Verð fyrir tilboð á mann: a) 3.650 b) 3.950 c) 4.250

www.kitchen-eldhus.is • Sími: 5177795 • Laugavegur 60a, Reykjavík 101